

'ի թագաւորութենէ՝ իւրմէ, որոյ վասն պատգամաւորս առաքեաց առ Սուլթանն կնքել զպայման հաշտութեան որ և իցէ եղանակաւ: Գիտակ իսկ էր Սալահատտին թէ՝ որչափ զօրս և գանձս կորուսին Լատինք 'ի պատերազմունս յայսոսիկ զոր մղեցին ընդդէմ՝ ինքեան, և դադարեալ էր գալուստ օժանդակ զօրացն յԵւրապիոյ: Թէպէտ և ինքն եղեալ էր 'ի մտի իսպառ մաքրել զՍուրիա յօտար աղգաց որ խոչն էին Իսլամաց: Սակայն յաջողութիւնք բաղդին և ժամանակին ոչ արդիւնաւորեցին զխորհուրդ իւր, ուստի 'ի ժողովի իշխանաց իւրոց յայտ առեալ ասէ, 'ի բազում պատերազմունս մտեալ եմ ընդ ձեզ եւ 'ի բազում ուրեք կանգնեցաք զյաղթանակն, տիրեցաք քաղաքաց եւ աւանաց ժառանգելով զանուն քաջութեան, երկնչիմ՝ գուցէ յանկարծ հասանիցէ օրհաս մահուն եւ խափան լիցի գործոյս, յոր եղէ ձեռնամուխ: Իսկ իշխանք եւ զօրագլուխք տաղտկացեալք 'ի պատերազմաց ետուն պատասխանի, ամբողջութիւնք տապալեցան, երկիրն ամայացաւ 'ի չգոյէ բնակչաց, վիշտք և տառապանք անընդհատ պատերազմիս՝ սլարտասեալ լքուցին զձեռս քաջազուն զօրաց: 'ի վերայ այսր ամենայնի ոչ է արժան իսպառ ընկղմել զԵւրոպեանս 'ի խորս յուսահատութեան, գուցէ գումարեացին վերստին 'ի վերայ մեր և յափշտակեացն զերկիրս մեր, ուստի պարտ է առնել խաղաղութիւն և նորոգել զաւերեալ տեղիս: զի եթէ նոքա բնութեանս սովորութեան իւրեանց լուծցեն զդաշնն, յայնժամ և մեք պատրաստիմք 'ի մարտ ընդդէմ նոցա: Հաճեցաւ Սուլթանն ընդ խորհուրդս նոցա և դըպրապետն Ամատ գրեաց զպայմանս հաշտութեան. ընդհանուր զինադադար 'ի ծովու և 'ի ցամաքի ամս 3 և ամիսս 8: 'ի Յոպպէ քաղաքէ մինչեւ 'ի Տիւրոս մնալ 'ի ձեռս Լատինաց: Թողուլ զԱսկաղոն աւերակ: Լիւզիայի և Ռեմլէի լինել կիսաբաժին 'ի մէջ քրիստոնէից և Իսլամաց, զերկիրն Իսմայիլիյէ մուծանել 'ի դաշինս Սուլթանին. զԱնտիօք և զԹարապուլուս մուծանել 'ի դաշինս Լատինաց: Քրիստոնեայք առանց զինու երթիցեն յերուսաղէմ:

Եւ 'ի լինել բանի երդման, Ռիգարտոս ոչ առ յանձն, զի չէր օրէն առն թագաւորի երդնուլ, այլ միայն կալաւ զձեռս Սուլթանին, եւ նա հաճեցաւ ընդ այն: Երգուաւ